

drumb welche Person du Nennest / so hastu /
den rechten Einigen Gott in dreien Personen
genent / Weil ein igliche Person / der selbige
Einige volckömlicher Gott ist / vnd kanst hie
rin nicht irren noch feilen / Denn Ihesus Chri
stus / ist kein ander Gott / oder Vater / oder
Scheppfer / denn der Vater vnd Heiliger geist
ist / ob er gleich ein ander Person ist / Eben so
ist der Vater vnd Heiliger geist auch / Dem
nach ist's nicht allein falsch / Sondern auch
vnmüglich vnd nichtig / das du die Person
des Vaters / als die vnterschiedliche Person /
woltest Vater nennen / vnd nicht den Son /
vnd Heiligen geist / zu gleich mit Vater nenn
en / Denn das hiesse das Göttliche wesen zer
trennet / vnd den Son vnd Heiligen geist aus
geschlossen / Das ist nichts / Denn nach sol
cher weise der Personlichen Vaterschafft / hat
der Vater / nicht mehr denn einen Son / vnd
der Son nicht mehr denn einen Vater / Sol
cher Vater ist er dir nicht / vnd du nicht sol
cher sein Son / Sondern das ist der Einige
Son vom Vater in ewigkeit / wie der Psal. 2.
spricht / Der HERR sprach zu mir / Du bist
mein Son / Heute hab ich dich geboren / Aber
du bist nach deinem alter / dreissig / viertzig /
funfftzig jar / so lange du geschaffen vnd ge
taufft bist gewesen / ein zeitlicher Son / aller
dreier Person / Eines Gottes.

Quia